



novitats

per abunents ed abunentas dal newsletter

nossas novitats - il newsletter regular
cun novas davart evenimaints, occurrenz, ediziuns e nosa lavur

Allegra stimedada commembra

I'l quart newsletter da l'an 2024 infurmainsa dals seguaints cuntgnieus:

- Nouva suprastanza
- Festa da giubileum
- preavis Poetry Slam
- Occurrenza a Bravuogn

Nouva suprastanza a partir dals 1 lügl 2024

Il chaschier Romedi Conradin e l'assessura Violanta Rominger haun pels 1 lügl glivro lur lavur illa suprastanza da la UdG. La nouva suprastanza as cumpuona da Victoria Mosca, Gianna Duschletta, Fadrina Hofmann, Carmen Baumann e Jon Duri Pult. Il scumpart da dovairs as preschainta seguaintamaing:

Victoria Mosca, co-presidenta: Lavuors administrativas, redacziun Dun da Nadel
Gianna Duschletta, co-presidenta: Organisaiziun occurrenz, Lia Rumantscha, dizziunaris
Fadrina Hofmann, assessura: Chalender Ladin ed otras ediziuns, comunicaziun a las medias, Chesa Paterna
Carmen Baumann, actura: respunsabilted newsletter, medias socialas e pagina d'internet
Jon Duri Pult, chaschier: controlla quints e spaisas, contact cun fiduziari, administraziun butia, comunicaziun Chesin Manella



Da schnestra: Jon Duri Pult, Fadrina Hofmann, Carmen Baumann, Victoria Mosca, Gianna Duschletta

La Uniun dals Grischs festagia!

Per festager il 120avel anniversari da l'Uniun dals Grischs invidainsa a nosa tschaina da giubileum. Ella ho lö als **13 lügl 2024 a Naïrs**. L'aperitiv cumainza a las 17.00, zieva es il büfè da tschaina aviert. Scu punct culminant da la festa cumainza a las **20.00 il concert da Cinzia Regensburger**.

La tschaina es gratuita per commembers e commembras da l'Uniun dals Grischs. Per na-commembers e na-commembras cuosta la tschaina 30.- chi sun da pajer güst al lö. Il concert cuosta alura per tuots 25.- chi sun da pajer güst al lö.

Que do eir la pussibilited da [pernotter i'l hotel](#).

Nus ans allegrains da survgnir voss'annunzcha sur il formular suotvart e da pudair festager il giubileum in bella cumpagnia.

120 ANS
UNIUN DALS GRISCHS
FESTA DA GIUBILEUM
13 LÜGL 2024
HOTEL SCUOL PALACE, NAÏRS

17:00 aperitiv, büfè da tschaina
gratuit per commembers/-bras, 30.- per na-commembers/bras
20:00 concert da Cinzia & Band
per tuots/-tas 25.-

ANNUNZCHAS
WWW.UDG.CH

S'annunzcher per la festa da giubileum

Poetry Slam Ladin



Il terz **Poetry Slam Ladin** ho lö in sanda, **21 settember, a Bravuogn**. Las portas da la Crusch Alva evran a las 19:00, la battosta cumainza a las 19:30. Quist an visitains l'inter territori ladin e sperains dad udir in quist möd eir l'ün u l'oter text in bargunsegner! Ma natürelmaing sun scu adüna bainvgnieus tuot ils idioms e dialects. Chi chi ho dimena vögla da's parteciper u cugnuscha a qualchün chi pudess esser il tip per que, as po gugent annunzcher tar nus. Nus essans cuntaints per mincha tschegn!

Exposiziun a Bravuogn

Als **14 lügl las 16:00** ho lö un referat ed üna lectura davart Jon Janett Cloetta i'l museum local a Bravuogn. Quist occurrenza fo part da l'exposiziun «**magister, poet, collecziuneder**» chi purtatescha a Jon Janett Cloetta (1874–1965). El d'eira ün perscruteder important da la lingua e da la patria – impustüt eir da Bravuogn. L'exposiziun muossa fin als 31 marz 2025 inua cha Cloetta ho vivieu ed instruieu, sia metoda da collecziuner e sieu ingaschamaint per la lingua materna.

Dapü infurmaziuns davart l'exposiziun

Restar infurmo sur noss chanelas da medias socialas e sülla pagina d'internet:

